

Formulario Kompas di maneho pa konsulta via internet

Tene kuenta ku e formulario aki no ta un tradukshon ofisial.

Título:

(Título konsulta via internet)

Rijkswet uitlevering voor Aruba, Curaçao en Sint Maarten

∞ Ken ta e stakeholdernan i pakiko?

Preguntanan di orientashon

- Ken tin interes dirèkt òf indirekto den e problema en kestion?

Personanan na Aruba, Kòrsou òf Sint Maarten ku ta traha den e aria di lei òf pa motibunanan personal ta interesá den e materia.

- Ken tin konosementu relevante i eksperensia ku e problema?

Instanshanan òf personanan ku ta ehekutá lei, manera Ministerio Públiko òf kortenan i abogasia i tambe instanshanan ku ta traha lei, manera Ministerio di Hustisia di Aruba, Kòrsou, Sint Maarten i Hulanda.

- Kon a enbolbí stakeholdernan den e diferente etapanan di e proseso di maneho te asina leu?

Reunionan regular entre e grupo di ambtenarnan ku ta representá e paísnan i ta enkargá ku e trayekto, den diferente estado di e proseso pa yega na un lei nobo.

Raportahe regular na Justitieel Vierpartijenoverleg (JVO).

1. Kiko ta e problema?

Preguntanan di orientashon

a) Kiko ta e problema?

E lei ku ta konserní ekstradishon di un persona pa motibunan hudisial na e momentu aki ta reglá den un dekreto ku yama “Uitleveringsbesluit van Aruba, Curaçao en Sint Maarten”, i ku ta un “zelfstandige algemene maatregel van rijksbestuur”.

b) Kua ta e kousanan di e problema?

E “Rijkswet” (Lei di Reino) di dia 21 di òktober 2023 ta kambia e artíkulonan 14 i 38 di e Statút di Reino Hulandes (Stb. 2023, 407). E cambio aki tin dos konsekuensha. E promé ta ku na momentu ku e Lei di Reino aki dreña na vigor, no ta posibel mas pa usa un “zelfstandige algemene maatregel van rijksbestuur” òf un “zelfstandige consensus algemene maatregelen van bestuur” pa regla tópikonan ku ta wordu konsiderá asuntunan di Reino, a menos ku ta trata un situashon ekstraordinario di gran emergensha. Den e kaso aki e “zelfstandige (consensus) algemene maatregelen van bestuur” tin mag di ta válido pa máximo dos aña. Asuntunan di Reino ta e tareanan komun ku no ta e paisnan individual ta ehekutá. Ta Reino ta ehekutá e tareanan komun. Ehèmpelnan ta defensa, relashonnan eksterior i nashonalidat Hulandes.

E palabra “zelfstandig” den e título di e dekretonan menshoná ariba ta indiká ku e dekreto no tin un base den un “Rijkswet”. Un Rijkswet ta un lei den orden mas haltu. Normalmente un Rijkswet ta stipulá ku un asunto di lei tin mag di wordu reglá den un lei den orden mas abou, por ehèmpel un dekreto. E di dos konsekuensha ta ku tur “zelfstandige (consensus) algemene maatregel van rijksbestuur” ku na e momentu aki ta na vigor, i no ta kumpli ku e kriterio menshoná ariba, sea mester haña un base den un Rijkswet òf mester wordu kambiá den un Rijkswet, ku mester dreña na vigor den e término di kwater aña, entrante e dia ku e Rijkswet di dia 21 di òktober 2023 a dreña na vigor. Si esaki no a sosodé ahinda na momentu ku e término aki a pasa, e “zelfstandige (consensus) algemene maatregel van rijksbestuur” lo pèrde su valides direktamente. Un lastu opshon ta ku e ta wordu kanselá. E Rijkswet di dia 21 di òktober 2023 ya dreña na vigor. Esaki a sosodé dia 1 di janüari 2024.

c) Kiko ta e embergadura di e problema?

Lei di ekstradishon di un persona pa motibunan hudisial ta un asunto di Reino. Esaki ta nifiká ku e “Uitleveringsbesluit van Aruba, Curaçao en Sint Maarten” lo pèrde su valides si e no haña un base den un Rijkswet òf wordu kambiá den un Rijkswet ku a dreña na vigor den e término di kwater aña, entrante e dia ku e Rijkswet di dia 21 di òktober 2023 a dreña na vigor. Konsekuensha di esaki ta ku lo no tin un base hurídiko pa ekstradishon.

d) Kiko ta e maneho aktual i kiko nos por siña di su evaluashon?

E pregunta aki no ta relevante den e kaso aki.

e) Kiko ta pasa si gobièrnu no hasi nada? (Opshon nulo) Kiko ta hustifiká gobièrnu su intervenshon?

E “Uitleveringsbesluit van Aruba, Curaçao en Sint Maarten” lo pèrde su valides. Konsekuensha di esaki ta ku lo no tin un base hurídiko pa ekstradishon.

2. Kua ta e ophetivo previsto?

Preguntanan di orientashon

- a) Kiko ta e metanan di maneho?

Pa traha un Lei di Reino ku ta konserní ekstradishon di un persona pa motibunan hudisial, ya asina ora e término menshoná ariba pasa, lo tin legalisashon na vigor ku ta regla esaki.

- b) Na kua Sustainable Development Goals, SDGs (Metanan di Desaroyo Duradero) i resultadonan di prosperidat amplio e metanan ta kontribuí?

16: Pas, hustisia, i instanshanan den sektor públiko.

3. Kua opshonnan tin pa realisá e meta?

Preguntanan di orientashon

- a) Kiko ta e puntonan di salida prometededor pa e maneho?

Traha un “Rijkswet” nobo ta e úniko opshon.

- b) Kiko ta e opshonnan prometededor di e maneho pa e puntonan di salida?

Traha un “Rijkswet” nobo den kual e reglanan di estradikshon ta wordu tumá over lo mas posibel den e mesun forma ku na e momentu aki nan ta formulá den e “Uitleveringsbesluit van Aruba, Curaçao en Sint Maarten”.

- c) Kiko ta e teoria di e maneho (pa kada meta) pa kada opshon di maneho prometededor?

E pregunta aki no ta relevante den e kaso aki.

4. Kiko ta e impakto di e opshonnan aki?

Preguntanan di orientashon

a) Kiko ta e posibel impaktonan di e opshonnan di e maneho?

E "Rijkswet" nobo lo nifiká ku e reglanan di ekstradishon ta legalisá di un manera ku ta konforme e artíkulonon 14 en 38 di e Statüt, ku a wordu adaptá.

b) Kua assessment obligatorio ta aplikabel i kiko ta e resultadonan (te asina leu konosí)

E pregunta aki no ta relevante den e kaso aki.

5. Kua ta e opshon preferá?

Preguntanan di orientashon

a) Kua ta e opshon preferá?

Traha un “Rijkswet” nobo den kual e reglanan di estradikshon ta wordu tumá over lo mas posibel den e forma ku na e momentu aki nan ta formulá den e “Uitleveringsbesluit van Aruba, Curaçao en Sint Maarten”.

b) Kon bo ta evaluá e opshon skohé pa loke ta trata:

- Efektivitat i efisiensia;
- Faktibilidat pa tur partido relevante (inklusio kapasidat pa aktua, karga regulatorio i mantenshon);
- impakto sosial amplio?

E opshon preferí tin e benefisio ku e kambionan nesesario lo wordu realisá den e término di kwater aña ku ta stipulá pa hasi esaki.

c) Kiko ta e riesgonan i insertidumbrenan di e proposishon aki?

Rísiko ta ku e término di kwater aña ta un término strikto ku mester kumpli ku ne.

d) Kon e monitoreo i evaluashon ta mustra?

En prinsipio lo no tin un evaluashon, komo ku e reglanan eksistente lo wordu mantené lo mas posibel den e “Rijkswet” nobo.